

温州市图书馆编 陈光熙点校

符群日记

中

中国近代人物日记丛书

中华书局

卷之四 雜記

雜記

卷之四 雜記

卷之四 雜記

温州市图书馆 编
陈光熙 点校

符 辞 日 记

中

中国近代人物日记丛书

中华书局

目 录

民国元年壬子(1912)	447	六 月	523
七 月	447	七 月	526
八 月	451	八 月	530
九 月	458	九 月	533
十 月	463	十 月	537
十一月	468	民国四年乙卯(1915)	540
十二月	474	十二月	540
民国二年癸丑(1913)	483	民国五年丙辰(1916)	544
八 月	483	正 月	544
九 月	487	二 月	548
十 月	491	三 月	551
十一月	494	四 月	555
十二月	498	五 月	559
民国三年甲寅(1914)	502	六 月	563
正 月	502	七 月	566
二 月	505	八 月	569
三 月	509	九 月	573
四 月	512	十 月	576
五 月	515	十一月	581
闰五月	520	十二月	586

民国六年丁巳(1917)	590	十一月	686
正 月	590	十二月	690
二 月	595	民国八年己未(1919)	694
闰二月	599	正 月	694
三 月	604	二 月	699
四 月	609	三 月	704
五 月	612	四 月	709
六 月	616	五 月	713
七 月	619	六 月	717
八 月	624	七 月	721
九 月	628	闰七月	723
十 月	631	八 月	728
十一月	636	九 月	732
十二月	640	十 月	737
民国七年戊午(1918)	645	十一月	741
正 月	645	十二月	745
二 月	649	民国九年庚申(1920)	749
三 月	654	正 月	749
四 月	658	二 月	753
五 月	662	三 月	757
六 月	666	四 月	761
七 月	671	五 月	766
八 月	674	六 月	770
九 月	679	七 月	774
十 月	683	八 月	777

九 月	782	正 月	833
十 月	787	二 月	838
十一月	790	三 月	842
十二月	794	四 月	846
民国十年辛酉(1921)	799	五 月	851
民国十一年壬戌(1922) ...	807	六 月	855
八 月	813	七 月	859
九 月	817	八 月	862
十 月	821	九 月	866
十一月	825	十 月	869
十二月	828	十一月	874
民国十二年癸亥(1923) ...	833	十二月	877

民国元年壬子(1912)

七 月

初一日,辛酉,八月十三^① 阴

彭儿清晨上船,七句半始开。风雨时作,船行颠簸。

初二日,壬戌,十四 雨

天明后,到甬江泊,至十一句钟开,夜半后抵沪。

初三日,癸亥,十五 晴

清晨登岸,寓英马路佛照楼。天炎人倦,跬步不出。发明信片两纸,拟明日坐怡和行隆和船去。夜林公铎来谈。

初四日,甲子,十六 晴

清晨诣郭啸麓,未晤。四句钟后,登隆和船。

初五日,乙丑,十七 阴雨

七句钟时始开,风浪,微颤。

初六日,丙寅,十八 阴雨而风

天气甚凉,有穿绵衣者。

初七日,丁卯,十九 晴

午后过马当、小姑、石钟,皆不得游览,望见庐山,江山雄秀,又

① 本日起开始记载阳历月日,底本用小字写于阴历日期旁,今并用黑体记于干支下。

一气象。得七绝二首，七律一首。夜一更后抵九江，入高升栈。

初八日，戊辰，二十 晴

一句钟上祥霖小轮，四句钟始开。

初九日，己巳，廿一 晴

一句钟时抵南昌张家门，先入汇丰旅馆稍憩。三句钟，呼舆至千家前巷，遍问教育司长公馆不得，后遇一少年，乃九鸣之弟勋鸣，始带路至广东会馆。樵孙、九鸣均于夜间见面，尚有姻戚二三人。寓所宽敞，旋移幞来，谈至二鼓后就寝，疲倦甚矣。

初十日，庚午，廿二 微雨，旋晴，天气热闷

发瓠信，付邮。程莲舫来。以带来物件分给各人。

樵孙谈及同县吴葵芳者，先府君文字交也，乙丑年十二月忽梦见府君乘四人舆过其门约往办案牍。醒后以告吾家，不数日而闽省讣音至，至后数日，吴亦殁。临川祝莲旭先生开祝社，有十友，皆知名士，府君其一也。最精壬课，谓先府君东南有半家，即余久在闽浙之应。今其后式微甚。

十一日，辛未，廿三 晴

小不适，竟日倦卧。夜月色颇佳，谈至二更。

十二日，壬申，廿四 阴

偕勋鸣同诣程莲舫，未晤，晤乃郎挈华。雨作，亟回。《大江报》八月廿一二三四五等号登有樊山前后《彩云曲》，应抄出。

十三日，癸酉，廿五 晴

得七律二首，示樵孙。俞子振来。夜诣戏园，未入座，在茶社一憩。《晨钟报》出板，同盟会所组织也。

十四日，甲戌，廿六 晴，稍风凉

九鸣移入法政学堂，为考出洋学生也。是日购阅《民立报》一

分,由八月十八号起。上海国学扶轮社新出王次回《疑云集》四册,八角,世间初见本也。夜偕勋鸣诣茶社。

十五日,乙亥,廿七 阴晴不定

偕勋鸣至百花洲一游,光复后,楼阁多残于兵。午后感冒身热,腹泻,殊不适。

十六日,丙子,廿八 晴

发瓠信。天气蒸闷,下午风作,夜不成寐。

十七日,丁丑,廿九 北风怒号,时而飞雨

连日服药,热退,泻稀,人颇疲倦。

梅子超太炎来拜,渠为小岩河帅第五公子,某部郎中。九鸣曾为其子师,与樵孙至交。闻颇慷慨任事,笃于世谊。与前任藩司沈瑜庆、学司林开模均有戚谊,往来甚密。沈在护院时被劾十款,梅亦在内。沈名誉最劣,卖缺、卖差之外,日以麻雀为事,官绅之有贵者皆招延之,其第三女时亦列坐,不旋踵而跟人逃去,沈秘而不宣。林在江所为,屡见上海各报,更不足论。

九江交涉局长吴祉中文泰,即可诚长君也,前清时曾充俄使参赞官,东三省某府人。甚开通,函致九鸣,欲邀入局,据樵孙云,系秘书局面。

十八日,戊寅,三十 晴,风仍未息

恙已稍痊,然此间风土终未惯也。

闻赣省差使,以淮盐局为最优,岁入十馀万金;河口统税局次之,萍乡煤矿局又次之。现办淮局黄某系都督拜把兄弟。

同盟会支部评干两项人员颇多,九鸣在总务部,其他各司长皆列名。印刷局纸张可用,酒馆以第一楼为佳,价极贵。现拟办图书局,飭江西旧有官书局开报存书目录。下午,雨一阵。

十九日,己卯,卅一 晴,风定日出

《东亚外交之前途》一篇,系日本早稻田大学法学士张嘉森著,中外大势洞若观火,极为佳构,见于《大江日报》八月六号至十号。惜文字太长,且多讹舛,未及录出。

二十日,庚辰,九月一号 晴,烈日如火,过于三伏时

司法司长王侃辅宜,东乡籍,民国银行总理徐秀钧子鸿,九江籍,同来拜。午后程挈华臻来答拜,渠充财政司总务科长,即莲舫子也。临江人邓曾渚季纯,九鸣约来充某科科长,留住在寓。

阴历七月十一日《民立报》登有《小共和国史略》,开篇为莫斯里特共和国,面积四方英里,人口三千余人,山水绝美。虽纯然独立国,然实在德国保护之下。大统领及五名之评议员任期三年,为人民公选。首府人口千六百余人云云。《史略》为吴曜稿,亦一奇谈。闻类此者有十五个小共和国。又登有华、法、美、葡、瑞共和庆典记,亦可阅。

廿一日,辛巳,二号 晴,天气大热,日光如火

午刻接瓯寓本月十一、十二两函,为银行事,即作回信。诣程莲舫一谈,三人皆晤及。

廿二日,壬午,三号 晴,热极

清晨,又发瓯信,付邮。

廿三日,癸未,四号 晴,热极

夜九铭宴客,到者为内务、财政、司法、实业四司及煤矿局赵,银行总理徐。

廿四日,甲申,五号 晴,天气仍热,然较前、昨日稍减

据勋铭说,建昌府新城县淫风最甚,由于水土使然。有某山极似阴户,中有流泉,形状逼肖,是以妇女好淫特甚。又铅山县风气亦

同,男子不在家,来客穿房入户,不以为异。

廿五日,乙酉,六号 晴,热极

清晨拜客,见者为铁路协理赵幼梅、旅长余鸣皋、内务司长王又兰、财政司长魏阜瓿。未见者梅子肇、银行总理徐子鸿、司法司长王辅宜、旅长刘佛肩、实业司长曾干生、李都督。归,已正午矣。

廿六日,丙戌,七号 晴,热甚,不可支

清晨诣松柏巷吴可诚略谈。下午闻其乃弟伯琴已到。

廿七日,丁亥,八号 晴

吴可诚、余鸣皋均来答拜。夜嘱九铭发九江信。

廿八日,戊子,九号 晴

发瓿函,附回商务印书馆发票一纸,双挂号去,告以将赴九江事。下午北风大作,天陡凉。付陶春工费两元,印花一元。

廿九日,己丑,十号 阴,西北风厉,午后止

得七古一章。樵孙宴客,梅、李、张、郭、程、吴辈数人。

八 月

初一日,庚寅,十一号 阴,天凉

清晨偕勋鸣出街至印刷局、官书局,见王闿运《注墨子》三册,甲辰岁刊,行款精工,注文甚略,索价三元。又诣各书坊一看,天禄阁有道光间套板大本《临证指南》十二册,索价三元四,许以二元四,尚不肯售,字大纸白,殊悦目。扫叶山房旧书颇多,如明版《稗编》及各类书皆佳。有《刘海峰集》一部。新出石印书如《查初白诗评十二种》及《许氏词评》一册,码二元,实一元四,共八本,极好。项氏《忆云词》、蒋氏《□□词》及纳兰《饮水词》三册亦佳,均未购,仅来楚北

人某氏《地理辨正集注》十二册，不足存，姑一阅而已。

初二日，辛卯，十二号 阴，天气仍凉

得廿日瓠信，甫收到初十函也，即答一函，付邮。致吴可诚一函，附诗一篇。

初三日，壬辰，十三号 雨，阴

午后吴可丞来，告以明日准赴九江。樵孙借去两洋。

初四日，癸巳，十四号 阴

九点钟出城，启昆、启才两人送至城外，大雨一阵，九铭亦至。午刻，上祥云小轮，四点钟始开。大风，甚冷。九铭交来吴祉中及保商局总办吴子文、国章、周国珍、香店郑如丞、瑞骅各一函。三更抵吴城停泊。

初五日，甲午，十五号 晴

西风甚厉，船行簸荡，颇不自在。三点钟抵九江，稍憩入城，诣交涉局，晤局长，即下榻局内，晤其族人两三。

初六日，乙未，十六号 晴

略与诸同事一谈。发南昌、温州第六封信。午后移入秘书室，即上房之西偏。夜风势颇厉。闻局长乃叔伯琴总理到。

初七日，丙申，十七 晴，风大

清晨晤伯琴先生。饭后偕录事徐启元同诣城外保商局，晤总办吴子文，面交九铭信，亦宜黄人也。伯琴是日赴沪。购信纸、信封三百五十文。夜雨。

初八日，丁酉，十八 阴雨，风厉

发杭、湖、潘、秦两函，又天台褚九云、乐清黄仲荃函，付邮。

初九日，戊戌，十九 阴，风尚未息

覆阅《辨正直解》，至是凡六过矣，渐已贯澈。各篇所言，皆为立

向一事,为平洋水龙言者十之七八,为山龙者十之一二。所奇者,以三合比附之,则句句字字为三合;以三元比附之,则句句字字是三元。洵神物也,又可谓之元空大卦解。蒋注不待论,章注殊佳,尹注亦有发明,余皆自郢。纪慎斋先生吾所私淑,诸书皆卓然可传,唯于蒋法未得秘诀,故评驳鲜合,不足以折其心。端木国瑚怪异,更无足论,文字虽工,实妄言也。

初十日,己亥,二十 晴,风止日出

清晨拟定请委秘书及各科员呈稿。吴子文来。

十一日,庚子,廿一 晴,天气稍和

“天元取辅人地兼贫”为《宝照经》中至难解之义,其实天元兼人元者谓之取辅,兼人、地两元者谓取辅弼,人地两元只兼天元谓之兼贫。如斯而已,无他秘奥也。

郑如丞瑞骅来,得启才侄孙十七号省信,附九月八号瓯寓来信一缄,即七月廿七所发也,为徐小云商谈银行款项事,甫接南昌所去十七日信,以后各信尚未到。即写回信,并发一函致徐小云,双挂号寄。

十二日,辛丑,廿二 阴

发瓯江信,又答勋铭信,均付邮。午后局长招游烟水亭,同人之外,吴子文而已。宴后泛舟里外湖,风景较胜百花洲。谈东三省事颇详,归,已黄昏矣。乃弟养吾自省回局,即庶务长也。

翁叔平协揆著有《板本述》九厚册,未付刊,盖目录家不可无之书也;潘和卿钧所说邵位西疏证本《简明目录》,黄岩王弼夫京卿有传抄本,玫伯云玫伯有移写本;李莼客《世说新语证补》;三书皆佳。至李之《日记》廿馀册,未付刊,先在嘉兴沈子封学使曾桐处,后归其子,尤为难得。蜀人王雪澄臬使秉恩藏有徐氏《宋会要》稿本五百卷,亦巨帙也。黟县俞理初正燮《癸巳馀稿》一巨册,未刻,必须访抄,此

书叶步瀛大令新第曾见之。

十三日，壬寅，廿三 晴

局长以上海石印本《约章大全》六函四十八册见示，嘉定陆凤石宣统元年所编，在北洋袁本之后，码洋十二元。下午诣桂茂兴店购笔，并出城答候郑如丞。购纸笔，一元。

十四日，癸卯，廿四 晴

发郭啸麓、徐班侯、梅鹤亭三函，又发家书，附致劳少麟一函，均付邮。

由庶务长交来十五号起即八月初五日起至三十号止十六天薪水，除扣十六天伙食外，计来四十元〇七角〇二厘，皆纸币。

地理之事，喻之人身最切：女子阴户，穴也；男子阳物，得令旺气也。旺气必收入穴内，始能发福；犹阳具必投入阴户牝牡交合，始可成胎。牝牡相交，即是太极，所谓中五，亦即此象。阴阳倘非交媾，即属孤阴、孤阳，安能孕育？然老阴老阳、少阴少阳固为相配，即老阴少阳、少阴老阳亦为相配。阳配阳、阴配阴，则大忌耳。

烟水亭绝句八首，琵琶亭二首。

十五日，甲辰，廿五 晴。中秋节

得九铭十二日复函。夜月色极佳。局长谈及钱能训之酒量，殆不亚秀雅堂顾氏矣。

十六日，乙巳，廿六 晴

诣桂茂兴定笔。潘和卿谓湖南花文魁店鸡狼毫至佳，某枝三百馀文，又纯鸡毫每枝两元，极佳。夏紫庭谈景德镇瓷器有头清、二清之分，头清为最佳，江省不销销远处。又谈本地台基私窝情形，省垣则妓家分两班：一本地，一扬州。

局长乃叔伯琴携眷自上海归。

十七日,丙午,廿七 晴

下午至紫云阁定笔,付定洋一元。

十八日,丁未,廿八 晴

勋铭来十五日信,附来九月初四日瓯信及剪报两三方,系接到七月廿一二两次南昌去信之复书也。吴养吾招同人宴升平楼,郑雨青代为叫局,勉徇其请,殊不开怀也。局洋两元。

十九日,戊申,廿九 晴

是日为武汉光复纪念日,各团皆悬灯升旗志庆。为局长撰祝词一篇。偕潘、夏、郑三君诣演支山一走,仅一土坡,不得谓之山。然城内外一望了然,眼界亦自不劣。或云庐山龙脉两支:一过江,一止此。

买来袜布两双,二角,香肠三副,二角。夜,偕吴、夏答诣谢步先,未面。

二十日,己酉,三十 晴

接到都督所发秘书任用状。发瓯信,附抄状式一纸。

廿一日,庚戌,十月一号 晴

邮局来八月十四瓯信,附黄仲荃及黄燕宾两函,系接到初六九江所发第一信之复信也。

廿二日,辛亥,二号 晴

发瓯信,附回九铭信一封。午后上街买物,花四百文;毛六纸此间名为关山。夜偕夏君至大街吃面,此处呼馄饨清汤,又曰包面。

江省妇人,以袁州、萍乡为最佳,饶州、乐平、九江、广信次之。风俗以广信之铅山、广丰为最淫,沪上江西帮妓女皆此两县人。吉、赣两府人最粗陋。

拟辑太极、河洛、先后天、八卦、九宫等古今解说为一编以存古

义，辑成亦巨观也。术数之书，必须博采，庶有实用，即为笔记中之材料。

廿三日，壬子，三号 晴

发九铭信。是日吴伯琴眷属回南昌，开船时而伯琴亦自上海至，并未入局。夜养吾约同出街小点。邮局来郭啸麓复函。

廿四日，癸丑，四号 晴

得勋铭二号信，即答之。夜为吴秉忠约往小点。发吴可丞信，附诗。

吴、夏两君纵谈西江风俗，谓鄱阳、余干、瑞丰、临川、南昌、九江淫风皆甚，而尤甚者为义宁州。素不相识之人可至人家，至则女子擎茶就客，有女几人，人各一杯。客不饮则已，如饮之即为订盟之券，夜即就宿。如属意某女，只可暗地饮其茶，如当场饮之，或饮或不饮，必为群女所侮弄。订盟之后，即如家人，迁移行李贮彼。然尚不至罄客所有，必将客之家用划出，余则归伊。客如欲行，非潜遁不得脱。最喜结识官界中人，以为荣耀。通邑只有三姓不染此俗。

南昌如钟鼓楼、王家巷皆烂妓所居，略如沪之花烟间。毛家塘、新万寿宫后则稍高。九江城内有花王者，台基之首，可以随意呼唤人家妇女。

廿五日，甲寅，五号 晴

午前暄暖，下午起风。偕徐启先诣保商局一转，又至江边某校书家一坐。闻城内之大统领某氏为号召群花之主，久著名也。夜偕戴、吴、夏诸君吃点心。五更雨。

元空卦内，以坎离一九之局能坐旺向旺，余皆坐衰向旺，故坎离局为最贵。如子山午向为一二三四坐九一二三，壬癸丁亦然。他宫如现行酉山卯，则七八九一对三四五六，只向上收得旺气令星也。

由省赴宜黄过三江口地方,该处某家出售秘制眼药粉,每合约廿文,极灵验。伪托者多,须以石狮套铁炼之一家为真。

此地叫局票钱一千,初次茶围两千,后即不给。摆酒十二千,便饭六千、八千,台基叫人打炮约一千,住夜三千或两千。不合意遣回者,给二百文。

廿六日,乙卯,六号 西北风起,天寒

下午出城诣保商局小坐。

廿七日,丙辰,七号 阴寒

得八月十九日家信,系接到此间十二日去信者。昨日得黄仲荃复函,云已辞嵯差,将赴省,附《壬子感事》八律,颇佳。下午偕徐、黄二君赴吴子文之招,在祥昌公司夜饮。公司管事人黄鹤仙、方蓉卿均同座。归时遇雨。

夜间不宜吃姜,以热气薰肺,肺不得敛也。好肉桂能治牙痛,以引火归原之力。上海某店出售真自来血,极验,伪者多。

廿八日,丁巳,八号 雨

阅报,见甘督赵惟熙及迪化都督杨增新反对议院删除“总统解散省议会约法”案及“民政长选用”案,语极恳切,电文亦佳。署甘藩何奏觐创一新法,曰“提盈馀”,凡委州、县缺,须缴现银,多者至一万二千两,各县价目不等,全年所入约十四万零。得缺者立合同,订明一年内不得更动云云。不谓此君举动一至于此。又在议会演说,谓总统为一国之君,知县即一县之君云云。均见十月四号《民立报》。

城外联芳店广东腊味颇佳,省城以光华轩为最。上海李鼎和有一种仿古纯羊毫,每枝两百文,系齐锋者,闻颇妙。下午偕徐启先出街一走。

新建人范金镛字藕舫,以进士部曹官滇,现在家。工画花卉、草